

SREDOJE LUKIĆ IZJAVIO DA SE NE OSJEĆA KRIVIM

Author: [IWPR](#)

(TU Br 440, 17-feb-06)

Lukiću će se suditi zajedno s njegovim rođakom, Milanom Lukićem, koji je predvodio zloglasnu paravojnu formaciju bosanskih Srba poznatu pod nazivom „Beli orlovi“ ili „Osvetnici“.

Optuženike se tereti za zavođenje „vladavine terora“ nad lokalnim muslimanskim stanovništvom u općini Višegrad (jugoistočna Bosna, nadomak granice sa Srbijom), u razdoblju od 1992. do 1994.

Tužiocima tvrde da bi Milan Lukić u Hag iz Buenos Airesa – gdje je u kolovozu/augustu 2005. uhapšen – trebao biti prebačen do kraja mjeseca.

Sredoje Lukić se pak u rujnu/septembru dobrovoljno predao vlastima Republike Srpske (RS) u Banja Luci. Učinio je to neposredno po povratku iz Rusije, da bi nakon toga bio prebačen u pritvorsku jedinicu u Hagu.

Suci su novu, izmijenjenu optužnicu protiv dvojice okrivljenih, koja sadrži 21 točku, usvojili ovog mjeseca, nakon što je obrana kao „nedopustivo nejasnu“ osporila ne samo prvobitnu optužnicu (podignutu prije sedam godina), nego i raniju verziju izmijenjene optužnice. Posljednje izmjene sastoje se u dodavanju pet novih točaka.

Okrivljeni su, prema navodima tužilaca, samo u jednoj prilici tokom 1992. ubili oko 70 bosanskih Muslimana tako što su ih prvo smjestili u jednu kuću u Novoj Mahali, a potom zapalili zgradu i pucali u svakoga ko bi pokušao pobjeći kroz prozor.

Sličnu su metodu, tvrde tužiocima, optuženici primijenili i samo dva tjedna kasnije, kada su sedamdesetak Muslimana zabarikadirali u jednoj zgradi u selu Bikavac, da bi potom u nju ubacili eksplozivne naprave. Samo jedna osoba je preživjela.

U veljači/februaru 2004., trećeg pripadnika Belih orlova, Mitra Vasiljevića, žalbeno vijeće Tribunala osudilo je na 15 godina zatvora zbog sudjelovanja u ubojstvu sedmorice bosanskih Muslimana.

Tužilaštvo je zahtijevalo da se Milanu i Sredaju Lukiću – u skladu s izlaznom strategijom, odnosno usredotočavanjem na slučajeve najvišeg ranga kako bi se svi postupci završili do 2008. i kako bi Tribunal dvije godine kasnije okončao sve aktivnosti – sudi pred lokalnim sudovima u Bosni.

Location: [Stavropol](#)

[Serbia](#)

[Russia](#)

[North Ossetia](#)

Topic: [Court News](#)

Source URL: <https://iwpr.net/sr/global-voices/sredoje-luki%C4%87-izjavio-da-se-ne-osje%C4%87-krivim>